



桐溪集 先生文

卷四

~16
2422
1



門 第 16
號 2422
卷 1-4

桐溪先生集序



桐溪鄭先生既物不佞為文
以哭既葬撫其家狀為樂石
之銘吾以為吾得畫後死之
責於先生之先生而孫省規

督郵 岐壽氏以新刊先生文集又請弁首之文曰叙吾先祖父舍執事無適也不佞以義有不可辭者遂薰盥而閱其集為禡四詩二百七十四書

序化傳論祭文三十六題劄三十一神道碑墓法跋二十二富哉言字有德去必及之言甚可誣歎於乎三代以後文與道二致於是有意理之文有藻

繪之文先生之文原於孟韓
則謂之義理之文者非邪
余不知文集之行自何世起中
原文獻之盛不說吾東日麗
及國朝累百有餘年凡搽

觚呻佔之法有不災木而行
其集者字然大業不朽之盛
事必在是人也則吾未知其
可如君圃隱若晦齋若退
陶先生無所事於文而流出

胸中者盡義理也其後百有
餘年聞三先生之風而悅之
去先生庸非其人哉近代
文人才子之集之刊行也或以
文滑稽或盜竊陳編或名位

貴盛或借助聲勢以成其
集者夫如是者舉皆渣滓
之小朝菌之晦朔也其影沈
響者絕可立而待也惡之與論
於不朽之大業哉以見桐溪文

集則譬如江河之有源而不窮也
譬如松柏之貫四時而朽也
葉不改也而况一字一句有非
格君夏國之語者乎先生亦
不屑文藝之末家且世儒聞

道家及其為文根柢於六
經範範於孟韓就有道而
正焉則趙月川鄭寒密兩
先生是已方其剝厲也伊吾
不輟焚膏繼晷絕昌黎常編

不知其幾也古語曰見功深者
收功遠先生此集必與魏晉
成諫林陸敬輿奏議並行亦
載也無疑肩輿夫僥倖一言
之幾乎道者同日語哉先

生嘗坐直榕棘耽羅者十年
先生夷然安之讀書潭道比
年者有加談者咸以為先生
雖畸於人其實合於天其或
者阮先生命而長先生文

學歟不然何先生陽中述作
分明長一格價殆類蘇長公嶺
外杜工部夔州以後作者信
先生於文實有回互道之得
者存而多於有韻之語則案不

免高蜀中三晚而得力於杜
韓者多二黑豈噫先生事
業獨文也乎哉安子順之言曰讀
諸葛孔明出師表而不隨老淚出
非忠臣讀李令伯陳情表而不

黜淚此北孝子不佞之曰讀鄭桐溪
甲寅跡而不注數行下此北忠臣
也是乃所以為先生其人而所以
為先生其集也

上章因敷南呂之院七十五歲

老人柱峯居士趙綱稿

桐溪先生文集卷之一



桐溪先生文集卷之一

五言絕句

送三樂時題扇贈之

三樂公仲子見名辛亥貶北塞時也

送汝歸故鄉洛城風雪裡以余念汝懷方知慈母意

甲寅三月三日八 王微

政是三三節笙歌處處聞如何負縲絏獨入福堂門

見新月

桐溪集卷一

來從何處來落向何處落妍妍細如眉遍照天地
廓

夢見翼承 吳正言長

夢見故人面相論文字疑覺來標月白清淚自漣
漣

謝李牧使送秋露金鮓 在大靜時

酒滴金盤露看分鮫室玳靈均若逢此有伴獨醒
人

晴後即事

欲晴未了朝靄在山阿林間人迹罕庭畔鳥群
多

雨後吟

晚聲奔雲陣深林響石灘幽人顧多事耳目不為
閑

七言絕句

書堂即事

土床烟斷薪如桂中夜肩高不待吟賴有庭除後
凋葉小兒携箒取無禁

偶吟

尾落垣頽見野蓬
年來四友待桐翁
一朝茅棟居
然就方丈當前送晚風

謝隣客持酒來訪

野客何從叩夜門
自言薄酒未盈樽
欣然酌罷陶
然醉脩竹無風月獨存

書堂偶吟

柴扉閑向碧溪開
松老庭空月自來
獨對明窓舒
卷秩斐然要就聖賢裁

冬至

天地心藏初九畫
胚胎三十六宮春
書又亦有一
冬至推廣將同四海仁

長風路上

凍雨霏々洒晚天
前山雲霧接村烟
漁翁不識蓑
衣濕閑傍蘆花共鷺眠

辛亥十二月十四日下直出門
鏡城時

孤臣罪戾合誅刑
聖主寬恩許塞城
東出都門
南望遠一生忠孝兩無成

過南里棧

峽中寒氣透重裘風雪茫茫鎖暮洲危棧懸冰額
頓踏藍關行色有如不

途中望海

東溟渺渺碧連天島嶼縈回雪色鮮歲晚窮途無
著足不如浮海去茫然

夜坐詠松

數箇長松嶺上生風來雪打攪寒聲客窓半夜波
濤急喚起南鄉片夢驚

到永興府

官樹扶疎夾道隔內塘水竭藕絲枯斜陽獨倚東
軒坐憔悴愁容豈壯夫

詠池中老松

孤松色老半無枝翠葉猶存傲雪姿獨恨托根非
處所斜陽休憐鶴來遲

到咸興府

山擁川回釀地靈勢隆端合作神京千年玉紫從
茲起聖祖威風凜若生

過萬世橋

虹橋橫截大江流
人去人來不可休
極目長洲水
雪合停鞭聊復寫羈愁

到德山驛

斜陽醉倒乘飛駟
馳到郵亭夜三更
賴卧轡忘羈
客恨從今莫學古人醒

偶吟

海山迢遞海風寒
遠客長吟行路難
愁裡光陰如
電掣鏡中勳業見毛斑

利城月夜吉牧來訪仍與飲酒

雪滿荒城月政明
相逢皆是遠浮萍
凌寒露坐頻
酬酌大醉故來夜二更

到龍仁夢見凶姪

昌世揮淚而題二首 辛亥九月

明朝白壁埋泉下
今夜精靈入夢飛
死者有知吾
始信不勞千里永辭歸

我已遺渠向洛城
渠猶思我夢平生
明朝泉路躡
踏處應遡西風望遠旌

留鎮川蓮堂

秋雨連旬久不晴生憎蓮葉苦多群中宵客枕偏
無夢一點殘燈萬里情

淮陽道中

官無內外皆王事汲子何為顛捨遺百里淮陽非
是薄召還寧恨十季遲

聞鴈

海天雲滑鴈群流孤客聞來感晚秋飛過故林休
苦響恐教兒身倍離愁

對案有感

慈顏已老奈家貧朝夕傷無適口珍到處盤中多
異味悵然臨箸遠思親

登嶺東磨雲臺次吳允謙韵

浩渺滄溟不盡中縈迴孤島起為峰暫休征馬登
高望南極飛雲幾萬重

到永同縣

翠竹穿苔蒙石砌碧梧張蓋對華楹夜來空館多
秋雨滴滴聲中交燕鷺

登降仙臺

主倅不在故去空館

何年仙子降茲臺今日來登病眼開落日滄江迴
棹晚倚人遙指是蓬萊

八月二日贈別功遠

功遠公第字謫濟時到海口相別

乘風放棹碧波中縹緲瀛洲望裡空歸去北堂應
有問明時雨露不宜窮

三日慈母初度有感

年年此日壽筵開兄弟三人舞老萊今日飄零滄
海外倚閭空使母心哀

中流又遇逆風艱到於蘭浦

鯨濤風起浩洋洋孤棹搖搖出沒忙薄暮投依蘭
浦口漏雲殘月暎蒼茫

偶吟

瀛洲遠在海中天秦漢曾浮採藥舫聖主却憐
危命但許令歸伴紫霞仙

月夜聞歌聲

陰雲欲駭月光流銀海溶溶萬頃秋何處漁歌風
外落解教遷客動鄉愁

功遠而受以事先歸別後有感

而受尹應錫字

寒雨蕭蕭風滿樓
海天遼闊鴈群流
人生離別元來苦
况是殘魂瘴海秋

夜吟

瀛洲山下滯嚴程
屈指離家已十稔
夜待慈顏對兄弟
問兒何日渡窮溟

贈別韓金吾

君歸北闕我南荒
臨別如何不斷腸
路上若逢相識問
籬中鬢髮已如霜

三倅送生鮑

盈盤甲族蠶猶生
珠味人稱鳳炙并
目擊忽思慈母嗜
竹筒雖有奈無誠

黃昏見月

竹簷踈冷月光斜
尋逐愁人照鬢華
今夜故園應共見
妻兒垂淚望天涯

封家書後寄諸兒

書難盡語語難情
情到無言淚自零
封後又開開又寫
封開數日滯歸程

次韻

秋晚孤城玉宇高
竹扉開掩自昏朝
園生香靄知多橘
風引驚雷認近潮

記夢

夢入高堂獻壽觥
途中父老宛平生
曉鷄催喚殘魂返
寒月朦籠滿一庭

秋盡

鷓鴣自失一枝遊
蟋蟀還疲五十秋
大抵人情悲暮景
况余憔悴在孤囚

偶成

北來消息俱堪怕
夜卜燈花晝擲錢
生死固知拋度外
且憑杯酒解憂煎

詠盆菊二首

靜中相對結幽盟
風送寒香滿袖清
堪笑靈均餐太早
却忘看取傲霜英
羞競桃紅李
白時若持霜打雪
侵姿朝曛又對孤
囚客植物之中數
亦奇

至月三日見缸

倏然成質雜青紅
不問雌雄同吉凶
天地閉時淫

氣見莫之敢指但忡忡

朝暮吟

朝而為暮暮而宵宵盡明生又一朝朝暮積來仍
作月月流如水歲還凋

梳頭

短髮種種幾寸餘千回梳破白紛如從裏得白原
天理厭白何須用鑷除

記曉夢

夢受先君手自答愛而能教究平時縱然未省目

何事說貴狂言浪取危

朝鴉

群鴉朝集老查頭飛逐和鳴任自由多羨爾禽能
反哺人而不若可無羞

述懷二首

平生用意雪霜間不願條枝綠且曼寧似直絃訟
道死恥如鉤曲得高官

吾聞睢水在南方五色波文產物章安得徃遊收
藻繪會將添賁舜衣裳

畫梅

老查皴落半無枝
寒葉稀疎傲雪姿
夢破五更窓有月
婆娑清影最相宜

朝雨

峽雲行曉雨霏微
橘葉無風翠色肥
一抹炊烟寒不起
數行啼鳥濕猶飛

有感

人非陷我_乙自陷下石者誰強
近親追憶少年同學日
死生交契擬天倫

除夜

三危逐客無消息
萬里孤城感歲華
總到曉鍾春已發
倘嗟枯木更生花

待子

聞說吾兒在海濱
候風應恨掛帆遲
斜陽獨倚荆扉望
犬吠風吹認可疑

折梅植壺中

寒梅莫恨短枝摧
我亦飄_乙越海來
皎潔從前多見折
只收香艷隱蒼苔

種芥

淺鑿窓前方寸地貯停滙水種青芥區區不為供
朝夕待得莖長獻我君

四季花

舊葉凋零新葉生暫時憔悴忽敷榮滿枝紅萼
朝日香氣紛已襲戶庭

得竹實甲

何山竹實大如斯高鳳雙飛共啄之霜甲落來浮
碧海瀛洲島上遇相知

詠殘葵

老葵踈冷遇風霜枝葉摧殘尚抱香莫遣孤根容
易拔赤心曾是喜傾陽

自嘆

我生應在三星次牛斗名存實不然獨有東筮常
呀口斂揚殃禍苦纏綿

送詩兒避疫之山寺

平居睽外尚難堪况此孤囚瘴海南父子年來罹
厄會暫時憂惱不復談

思子

萬壘窮山伴一廬
瘴雲靈雨食眠何
老翁孤寂仍成癖
十日沉綿困瘧魔

久雨見月

瘴雨成霖過數旬
今宵始見月生輪
頽然卧我西簷下
滿地晴光白似銀

聞蟋蟀

通宵唧唧有何情
喜得清秋自廢耕
微物亦能隨候動
愚儂還昧待時鳴

夜坐

夢破秋空月午時
婆娑竹葉影篩寒
蟹有底不平事
達夜啾啾轉悲

偶吟二首

菊圍叢竹連梅下
稚松種幾枝與我
共成霜雪契靜中
相對好懷開

四友風群逢老醜
旃籬高處共幽巢
莫言標格曰吾屈
到此方知君子交

韓子

韓子徒言慕柔舌如何却不屈仙官君看絕筆南
溪上猶恥隨波刺峻湍

次聖求韻

斷磧寒烟晚欲飛古城殘雪獨開扉有人來問升
沉事笑指酒家催典衣

靜中吟

大靜城東影伴身梅枝竹色淨無塵
倚人莫笑生涯靜欲向靜中求主人

偶吟

五十年光過了處荒一屋任誰居
縱然遽致知非晚塵鏡磨來體自如

望歸雲

奔雲渡海向神京五色凝祥繞帝城
萬里羈臣隨不得數行衰淚寄將行

寒食有感

春入松楸雨露深四年空費夢中尋
遙思兄弟登丘隴悵望南天涕不禁

憶詩兒

孤影隨形住海濱窮途過盡一年春夕陽芳草知
多惱明月殘宵免濕巾

謾成

園中日月過飄然已通知非伯玉年忠孝俱虧猶
不死聖恩如海又如天

雨中

毒霧連天鎖脫洲腥風吹雨過城頭小齋寥落無
人問半日支頤集百憂

聞潮

海若有何不平事其聲轟轟如怒嗔逐臣入海已
四載聞之不怕但霑巾

三月晦偶吟二首

窮囚元不出圍籬春去春來渾莫知偶見村人問
消息野花落盡綠盈枝

絕域孤囚又送春跳丸日月不饒人母息君德
何時報鏡裡看看髮似銀

曉坐

秋心人元自夜無眠况是殘春病又纏曉角濕雲城

上咽海風吹浪枕邊傳

睡破

終日昏。睡政濃天涯白首又秋風故園物色今
何樣池上三楓夢裡紅

秋雨念詩見遠征

秋霖不減夏霾陰海霧連天瘴氣深不獨病夫愁
欲死征人行色最關心

夜起偶吟

積雨初收玉宇清滿庭蟾影政三更竹枝風靜渾

如晴白露團。任自傾

寄遊山三太守二首

遙想秋岑錦色均三旌飄拂暮雲濱莫教鐵管臨
風弄山下孤城有旅人

松逕應留白鹿蹤諸公休道是仙翁夜來魂夢忘
羈絆先著吟鞭上絕峯

今年種菊減小開後自嘆

年來病與懶相隨蔣菊培根減昔時數朵寒英孤
叢馥月中踈影亦清奇

寓意

標枝野鹿彼何時是非已摠莫知可惜伏羲初
畫卦幾因文字沾凶危

聞翼水返觀

幾日丹旌返故丘德溪遺業吟如秋縱然白髮歸
黃壤難掩光輝萬世流

孟子

堯舜如天階不得如何鄒聖每稱云若徒早說教
免及雖在齊梁可得君

周勃

王呂當年雖失對安劉他日竟輸忠功能補過猶
多議况是懂誤始終

堂前兼竹駢生籬外

此君何不畏天禁冒出籬開作一林應恐主人傷
賜死擁生中外供清陰

仁廟諱日有感

仁德巍巍似帝唐青丘日月倍增光至今七十餘
年久猶曰嗚呼不可忘

曉坐

問夜如何鷄已鳴拂衣狂誦古箴銘南窓漸向分
明界須喚靈臺舊主惺

失題

海邦風日易陰晴病骨逢秋太瘦生回首帝鄉雲
萬里歸心鷺斷暮鴉聲

項羽

杯羹密擊誰輕重成敗初非天意存亭長艤艇應
有以如何徑作劍頭魂

韓信

呂后當年名位定敢稱兒女是無君叛形真偽雖
難辨一語當誅也不寬

伍子胥

人臣忠愛無生死尸諫猶能悟主聰扶眼數言誠
憤懣鴻夷誰使入江中

王旦

瓶珠解噤良臣口悒天書奉卷時莫笑緇衣遺
令事猶賢終始不知非

呂望

八百諸侯九亂臣鷹揚牧野豈無人天生呂望非
他意只為扶持二子身

謾成

我議前車人議我今論往事後論今紛論議何
時定要在平生不愧心

詠松

封爵當年已厚顏如何又被貴人觀雖然外至初
非損却恨貞姿不早乾

一夜坐

曾謂求中真妙訣始知持敬最要切若於靜裡親
經驗着實懸空有不同

贈別成都事友

白髮殘生又一春不堪送別日邊人八年淚眼今
枯盡為是中宵望北辰

除夕

曾聞除夕多霜鬢我鬢成霜已數年若道隨時當
變化還應白者返初玄

新正畏寒

新正無日不風陰病怯寒威閉戶深明月入窓人
不寐夢魂何暇故鄉尋

謾成

老矣何能立志堅乍看文字便茫然靜中欲做惺
惺法如有如丘亦不專

治農

何不歸耕溪上雲苦於荒域事治耘窮口猶有謀
生計只為朝來道未聞

偶吟

北結南融俱死地吾身歷試尚強康曾聞徇欲忘
生戒妙訣何須肘後方

題天啓新曆

免魚東土是誰仁喪考悲均普率民天啓孰元神
繼聖皇基鞏固億千春

貧女吟

縞衣貧女不為容燈下持針事補縫夜久假眠衣
不解明朝貸粟又孤舂

挽鄭愚伏

南極文星晦彩託鉤天深處帝悲傷西厓門下誰
傳鉢從此儒林氣色涼

挽河長水堰

獨抱孤桐三尺強准君傾身解我洋如今絃斷知
難續掩却清音更不張

挽李士厚墳

師死無人不死師遺書本意獨君知今歸應侍舊
函丈為質人間真是非

挽朴公滌

五十星霜一夢中荒涼大暮奈何公古心古貌今
為古忍見丹旌遡晚風

吊李完平元翼有感二首

痛哭荒原落日時樑摧棟折竟誰依即今廊廟俱
謨策舉國其將左柱之

司馬當年走卒知如今 聖主失羣龜年前一拜
茫如夢揲月依倚老鶴姿

挽朴叅奉細

吾友伯和今也三已焉吾道日荒之屋前猶有江
心月留取風神破晦茫

是獨鷺立田中有感而戲二首

皎潔衣裳形影孤有何營食立田途人間縉纒誠
湛怕須向江湖訪荻蘆

蘆荻洲邊春水肥十年盟與共苔磯今來旁狎非
營食為問吾君歸不歸

鷺答

硯滴吟次韻

毛穎當年傳入秦口乾喉渴解無回天教貯水虛

心玉點滴終成潤色仁

鎮川道上聞大駕已入江都

亂時

誰勸吾王效去邠忍令宗社又蒙塵江都孤嶼
如丸黑天步其能久此濱

雨中有懷在江都時

春雨和烟鎖海畿客窓孤倚苦低眉平生不學兵
家事今日羞聞媚虜辭

偶吟

孫吳兵法未曾知尺紵何能却虜師春雨旄窓愁

緒亂悔將衰朽托明時

彈丸孤嶼在天西
寒暖晴陰氣不齊
王輅何堪久
於此都中父老望雲霓

南八孤城枉殺身
廟堂長策在和親
連宵一雨
非閑意淨洗都門羯虜塵

聞以宗室子稱餒王子為質

城下之盟可忍聞
羯奴張目對
楓宸可憐王子

雖六佞同是
先王骨肉親

每到花時不在家

吾庄初度春維仲
柳綠梅香政此時
海島朝行長
作客弟兄無暇勸深危

見李曼避嫌

非是分馳不可知
毀譽交發定無時
殘年政合舍
飴美何事常登白簡辭

端午日受
內賜扇

發陣清風出內箴
津之雨露惹天香
揮來頓覺蘇
煩暍後此柔腸可作剛

送訓兒入城內夜坐偶吟二首

千里扶藜仗一兒又緣拘忌各分離冷何許空
庭兩點挑生獨夜思
暮雨隨風打晚城一庭松檜苦多舞通宵點滴生
鈴響惱殺幽人夢未成

陳劄有懷二首

生逢此世苦艱危欲濟艱危奈病衰猶有胸中奇
策在一封肝膽露丹墀
對月思歸未得臨風搔髮如霜一封自謂匡
時策廟筭其能不我狂

內賜生薑帶雨種地

生薑來自紫雲庭箇箇含恩欲吐前掃却小園和
雨種擬將除穢近神明

憶龍山梅

苦憶龍丘玉雪精傲霜應已絕寒英移根手植今
三載每到花時在洛城

山城南漢

炮聲四震如雷動撞破孤城士氣洶惟有老臣談
笑聽擬將茅屋號從容

書崇禎十年曆書

崇禎年號止於斯明歲邦堪異曆披從此山人尤
省事只看花葉驗時移

偶吟

揮刃初期一死邁如何殘命尚頑然仲連高潔終
難改元亮田園可省愆

曉坐

聞鷄起坐獨惺惺心體虛明水鏡清太極有源端
在此莫教情動失和平

贈趙日章綱

自恨幽栖已太遲窮山種黍可充飢時憂付與清
名子華岳烟霞獨有之

示諸子

登山採蕨應知死回樹為家亦豈安當日未聞諸
子沮後來孝道在承歡

齒落歎二首

骨餘森列似金剛噬物先須擇硬強六十年來搖
落盡始知柔舌尚無傷

右邊空豁左邊稀。者孤危不可支。若過數旬俱
脫去。樂夫天理更何悲。

坐蜂筒有感

稚蜂誰教粘花役。滿腹盈鬚不自疲。可惜五口靈多
喪性。不如微物有良知。

見蠅溺杯水而死有感

緣何穿隙巧營。不識杯盂有陷坑。堪笑乘時爭
進輩。與茲微物孰愚明。

辛巳末疾沉綿之時手草此詩

一病支離卧九旬。不知梅柳已爭春。死生朝暮何
須歎。愧作無稱沒世人。

五言律詩

村望

村住青山下。園林綠水邊。家家鳴夕柝。處處起炊
烟。官租輸餘幾。陶盆樂自然。何知兵火地。重見太
平天。

到豐田驛逢李好信以兵議赴

命賊北塞時

茲次逢僚舊。班荆日暮天。承恩趨魏闕。負罪向

蠻烟榮辱何殊路昇沉不共年自歎無遠識未與
浴同川

途中吟

迢去國日脉望鄉時忠孝俱無得君親事已
違長程足水雪落日倦驅馳老劍看猶壯雄心尚
未衰

宿銀溪驛

郵亭頻替代客路歷危傾宇宙何終極乾坤任此
生行殊物色去異音群一落蠻烟裡何從望

玉京

到文川有感

天涯遠遊子地角老慈親相去幾千里明朝又一
春堂前款祝阻門外倚望頻忠孝俱無賴乾坤愧
此身

到洪原縣次壁韻

長途行後歇薄暮旅懷多海色接天色雪花迷眼
花憑欄卅闕遠極目白雲賒搔首乾坤大平生志
願跼

兵使設酌

勝日高筵敵將軍氣宇宏琴鳴太古意舞學漢宮
輕威壓陰山重杯留遠客程萍漂無籍在何幸近
戎城

宿磨谷驛

迢邐關河路蒼茫海口雲螺簫聲滿道呵擁吏成
群固是男兒事誰非 聖主恩中宵茅店月感淚
自成痕

宿林吳驛夢見制初

孤魂越千里見汝病中形舊面何殊瘦相逢自淚
傾展動握手慰扶起暗傷情夢罷五更月難堪疑
信并

次雲山韻

碧柳陰邊卧紅塵客不來官閑多著書鄉遠強登
臺朝議休相問雲山夢幾迴孤松時獨撫今古事
堪哀

到石谷有感

聞說松蒼老恢之氣宇雄乘危提義旅為國奏膚

功星殞嗟何遽人三事可相至今留鎮處惟見野
花紅

留龍仁次薛上韻

滯雨駟城館窮愁有萬般荷莖承露重楊絮入秋
殘絕塞魂將斷浮榮夢已闌飄飄無定住慚負故
林巒

陽文驛登高亭吟

亭上秋風老吟邊暮景明牛羊自山下烏鵲向
鳴萬物皆知止孤臣獨遠征飄飄何所似江海一

泮泮

鐵嶺途中

秋風鐵嶺路馬上苦吟人石盡清端瀉山顏錦葉
新晴雲栖半宙幽鳥美佳辰行役雖云億愁眉可
一伸

夢到慈闈

夢見慈顏色蓬頭氣不平應知念遊子是用夜深
情不孝當誅死無忠愧久生覺來憂戀切坐待曉
窓明

甲寅三月四日有感是日即先君初度日而公時在獄中有感

明時廢一語牢獄過三春秋
丹心在蕭蕭白髮
新夢中棄梓路覺後纏微身已作忘親子仍為負
國臣

八月初二日贈別功遠弟謫濟時到海南相

半歲園扉外專心急難心長程形共悴旅榻病同
吟一棹青山暮三秋碧海陰臨分莫惆悵行色古
猶今

十二日功遠而受以事先歸別後有感

惜別非無淚臨分不洒也我行隣題題君去奉晨
昏善惡由人異休歎以類臻門高倚望久歸路莫
遂巡

夜起欲望北斗離高只見杓三言有感

古人倚樓望今我隔籬看但見三星杓終遮四點
團面墻方覺苦開牖固知難賴有一心在惟殫拱
北丹

偶吟

襄境長行殺崎嶇南北人千水傷直性憂慮損天

真已失三冬業終迷二柄掄籬中無外事時覘古

編陳

南極壽星 謠云登漢學山則見之云故及之

地控夔巫界疆臨井柳邊深箴知幾度時現有開
先仁壽方恢域光輝必動天自歎幽繫固未上漢
軍巔

客舍橘林

童_乙張似蓋密已散成帷翠實初含露黃金竟滿
枝揚州包貢遠楚客頌詞悲願使邦人重毋令封

植蓑

村女杵歌

土俗無着鑿村娥抱杵歌高低如有調斷續似相
和欲解頰憑譯頻聞漸不呵淒涼曉月下遠客鬢
先皤

夜坐待雞

中宵獨倚壁百念集雙眉村犬時驚吠山風自亂
吹睡困愁病短詩到困窮奇夜色何當盡雞拜待
益遲

養兒馬

賤價求房種何望冀北空形疲宜失相蹄窄未追
風騫駿非天品調良在養功殷勤供藹牧偕入故
山中

夜坐觀書

短壁殘燈夜孤城細雨拜陳編窺得失世路驗危
平老病南囚日君親北望情心中丹一斗髮上
白千莖

夜吟

挑燈看尺劍步月立中宵天地南溟遠星辰北極
遙寸心灰利祿微願在漁樵倚柱狂歌發人言士
也驕

至月晦日

此月又玄晦來春隔幾旬甲寅年向盡已巳笑添
新遲暮逐丹術蕭疎滿髮銀長沙愁太傳楚澤怨
靈均

臘月一日

一作難中囚五圓海上月南鄉消息稀北關夢魂

越時序何飄此容顏易衰歇遣城曉角生愁緒入
霜髮

偶吟

一語枉歸觸三危影伴形遠辭 宸極闕近托老
人星北鴈隨陽叫南梅近臘馨前籬逢歲晚握粟
卜歸寧

思家五首

有母年期老門閭幾何望生兒不得力別子但煎
腸未遂專城養還迷負米鄉何時蒙帶看重攬彩

衣長

有元相友愛林下共翱翔作別年重搜投荒髮已
霜幾成春草夢空詠棣華章何日嶧川路翩跹連

鴈行

有弟字功遠為人誠款優園門同畏熱浦口共悲
秋脉脉臨歧別范范泛海愁何時重握手說破此
情悠

有妻同甲子幾歲食寒貧勤幹成家業誠心養老
親應嘆投眷晚獨自泣連頻何日重歡會殘宵秉

燭陳

有子連三辟美明懿絕倫阿護尤俊異而訓最溫
醇失怙嗟誰教從孀但覓襟何時置膝下詩禮發
蒙新

朝起

蕭蕭風雪夜情已倦休時春近多繁夢年窮覺益
衰聞鷄愁不寐待日起常遲倚枕朝着鏡霜毛我
是誰

長松

磊落層空幹孤危峻辟根雷霆雖暫霹骨節却生
筋未擬明堂棟何憂匠石斤最憐枝上鶴刷羽叫
晴雲

枯竹還生

移竹當空種要著雪裡莖土新枝暫悴天定葉初
萌得雨添生色逢風漸有聲干霄孤幹在從此日
嶢嶢

夜卧

夜卧愁無寐凉生始覺秋寒螢連客恨缺月向孤

囚千里勞故夢三年憶舊遊
誰家數弄笛飛落古城頭

夜坐偶吟

萬里思歸處三更仰屋時
吟蛩集荒堞寒月在高籬
數譽身將老榮枯髮已衰
緬懷行患難前哲是吾師

次秋鴈韻

陣成行序翩落海千舍
蒼屢要遠繳避地為驚寒
清叫知音少高飛飽食難
明春共歸去戲浴澤

溪瀾

偶吟

朝暮常雲霧暄涼剩蝮蟲
樹多龍戶集野有馬人
群詭制巾裳怛殊音鳩舌
驚何時休鵬問岸上聽
驟鳴

待故鄉問安人不來

回鴈峯空在傳書事未徵
北堂音問斷南徼病愁
增握粟勤朝卜看花對夜
燈時聞村犬吠頻向小
扉憑

次聖求韵二首

白日南雲望清宵北斗瞻三年獨衰涕半百已霜
髻道屈非才賈居窮似老黔投荒是輕典 聖主
解威嚴

海曲客猶滯殊鄉春又迴青山舊盟負白首壯心
頽海近潮聲急天低雪意催思君日將暮獨倚古
城隈

贈別天閭上人渡海向月出山

羨爾浮遊跡東南任自如瀛山非作客月出豈元

居杖為穿雲涉瓢自酌月虛今來告將別羈抱一
露裾

七月十二日夜坐念詩兒久未解纜是日果

發船去

夢破三更後開窓俯小庭竹篩清影散月隱淡雲
行蛩語知秋氣潮鳴雜兩聲津頭應解纜風浪夜
來平

初秋夜雨

蕭蕭小雨作殘月五更秋叢竹聲偏密茅簷滴更

桐衣衾薄涼襲天地老炎收遠客感時序搔頭來
百憂

夜雨無眠

永夜難成寐秋風易斷魂
嗷嘈蚤繁類竊米鼠成
群雨氣穿衾濕虫群近戶聞
開窓數更鼓亥子認
初分

悼潘子明

齋却平生志頽然四尺封
群象誰復擊深巷寂如
空楚璞三朝削相如四壁窮
無緣更良覲衰涕洒

秋風

悼郭景敏

小少多才藝群名動漢京
中何衰落甚晚復患憂
羸古調元疎雅真心自坦
平從前翰札語追憶淚
霑纓

夜頌宋儒箴銘

夜氣方清淨高群誦古箴
先賢如在目明訓可銘
心對越常要敬淵源只是
欽沉潛三復了虛室月
星臨

感應吟
有感必有應既應遂為感感應若循環夫生惟能
攬天地尚如此人事可占覽默坐數息呼吸未
嘗減

悼林智幹淵夫丁巳八月十三日死於洋中
每來見時見圍籬揮淚曰吾姊胡為乎此也
出去時武科初試入格故三句五句及之

厚睦承先武從遊又絕景高籬頻洒涕滿酌每輸
腸雲路期搏翼洋風奈折檣孤魂何處托東北晚

潮狂

次聖求韻二首

漢使何年至秦童住不還老星臨咫尺弱水隔塵
寰甘苦分柑橘笔蔬雜蒹葭明時授極裔何幸近
公山

明時負霜草海曲禦魍翁政值知非歲猶無立脚
功牛羊踐前孽蹊徑塞茅蓬縱有遺經在矇然但
鑿空

懷翼承 吳長

三聖臺何處懷人淚自垂 聖恩思解網時議用
叔司操刃雖非我興戎竟是誰豈料膠漆地媒孽
晚相隨

送山下歸故鄉

送汝歸鄉里何時到野扉慈顏應慰望稚子想露
衣矯語稱無病真情道不饑書成謹拜授風雨滿
空飛

五月二十九日聞奴酋連兵獐子犯上國界
天朝徵東兵州縣方急調教去

帝赫天驕橫徵兵及外藩固知千舞格毋乃 聖
心勤應募雖多健登壇果孰論翻思四夷守回首
奮乾坤

杏亭

遙憶家前對曾生泗水濱幹通猿岳月枝接鶴沙
雲三伏雪霜至五更琴瑟聞何由辭瘴癘壇上息
衰筋

次聖求韻贈別六首

來去山輕重群名駕後前南州治已著北關夢長

懸車托雷陳契難追李郭船孤城烟對暮羈思正
茫然

醉別醒還苦窮途跡益危檻猿呼侶日夜鵲失枝
時夢記裁洋曲愁吟梅竹詩回看雲去聚散本
無期

弱草經霜久孤禽銜鐵鬪窮途那免哭衰疾又隨
身別淚痕春色愁眉隔馬塵生涯何足歎尼父亦
傷麟

古意偏多感今人莫我知乾坤何莽蕩道術已衰

遲春草隨年歇鄉心到老悲自分埋獄劔難似處
囊錐

行旌春欲盡別日海多陰地勢南溟遠天文北斗
深稿容難暖眼衰涕易沾衿後會知何處相期夢
裡尋

聚散寧論地窮通本在天莫將留去淚空洒別離
遙津對浮春暮檣烏帶雨懸男兒四方志不必歎
衰季

次寄聖求洞如

誦罷圖書說空庭曉月明靈臺澄不昧虛室湛生
清養靜要酬動持心欲正情倘無朝晝皓天理浩
流行

謾成

清霜曉來重冷雨秋不晴馥發金英菊香生草決
明固知難獨立自是樂天成努力無虧損隨時任
粹榮

中夜

旅窓頻起卧寒枕任推移竹近秋生早城高月上

遙容愁心轉弱少睡氣逾衰身世悲歌裡君親天
一涯

夜坐

夜半塊然坐心源自在清七情元未發萬念寂無
前圓鏡新光洞方塘止水明何由保斯體持敬是
工程

晚秋未嘗新福

異域秋風晚田疇穡事忙為農非是老種穀奈多
荒不見黃雲割難嘗白雪香小兒時愠語麥飯未

除芒

為親設星宿祭于漢挈山

北斗司喉舌南瀛鍾異神設醮非自己祈福為吾
親半夜靈壇淨中天瑞彩新微誠何墜格覆闕幸
垂仁

八月夜夢見吳翼承

君逝三霜矣今宵夢見之問六後底處答曰為相
思鬢鬢平生意分明昔日姿覺來探月白潯淚在
鬢頤

曉坐

鷄群開小戶涼月滿幽庭對梢無風靜簟最受露
傾澄心翫圖說開口誦箴銘夜氣方清淨須看未
發情

病卧

斗室難容膝家藏又滿前東窓衣袋掛北壁米囊
懸酒瓮如拳許盃缸半破旃生涯隨意足莫歎氣
日遷

夜雨

畏風不出戶，聞雨獨開窓。
對竹愁顏破，看松病勢降。
尉胄燒片尾者，藥馮殘缸欲馮窮。
途能無巨筆扛。

並海馬上吟

平生遊未壯，今日始觀溟。
日出金成柱，舟行葉似輕。
濟川慚巨楫，浮海畏長鯨。
簪笏何時捨，披雲谷口耕。

長劍吟 敬伯所贈

我有一長劍，將軍之所贈。
霜銜新發刃，寒色奪清

光。掛壁鬼神驚，懸腰心膽醒。
知是豐城精，會看斗

斗巨

次聖求韻

年飢蔬亦美，臘近布為衫。
古郭炊烟盡，遙岑落日銜。
籬高叢棘縛，門帶執金絨。
自美平生事，深慚六二成。

聞寒岡先生詩

聞詩曾沾臆，披書更濕巾。
年前驗顏岳，名下獨完人。
積謗當時暫，公言百世真。
音微嗟已遠，遺佩復

誰紉

次林樂翁韵 真德

生涯隣鬼魅身世任乾坤已極潘郎鬢難招楚澤
魂歸雲頻洒淚埋劍未消冤耳聾不求理愁聞蠻
語喧

夜半獨坐

夢破窺簷月 魂驚打竹風擁衾思物理危膝者吾
衷夜氣清無滓靈臺浩自通方知靜中養涵得動
時切

兒尸久在浦口惻然悲之

風雪津頭夜孤魂底處依勉忘一不得禁淚一還
揮暴露肌應凍歸簷日漸違中宵撫膺坐霜月一照
柴扉

次唐子方韵

人惟肇星主地是故耽羅俗近島夷悍舟通江浙
波平生忠信欠到處困窮多落日茅簷下長吁且
短歌

記夢

夢入長風路依然奮洞雲青松沿澗轟碧水溢涯
奔浴罷登巖峻行杯坐列羣無端霜角動身在縣
東門

東門

堯顛舉陶頂禹腰子產肩魏、持此象踣、傍何
邊天縱尚多厄吾生誰復憐東門八季繫憔悴雪
盈顛

夜坐

萬里窮囚處三更獨滄時門閭隔音信妻子各分

離寒月留城曲殘雲向海漏悄然成默坐還似摠
無思

抱病夜吟

久病眠魔城新愁疊雪繁鴈群驚欲斷虫語聒難
分未結還家夢空消戀主魂竹枝風不動涼露自
傾翻

初度日吟

孟陬貞斗柄庚日夜中央暗合靈均降叨居紫府
墻窮通路同異人物判賢狂惟有秋蘭佩千年不

改香

曉起

鷄聲喚殘夢客意集雙眉竹密庭陰滿城高月上
遲天河向北直星斗自東移最是籬邊草寒虫響
欲衰

秋夕獨坐感吟

霜露秋將降松楸夢裡青家、供香火處、上丘
塋有累三千最空慚八載生非曰志士感白髮又
添莖

贈別金士修還鄉

知心曾托契憂骨更論情遇事排咻謗臨喪盡禮
誠寒廬燈半辟破榻月三更言議何嘗異歸趨本
一程

自京來到陽山縣次杜詩韻

老境勞行役登臨幾驛樓不才慚罷過無實愧名
浮跡似飄空鶴心如失槩舟家山喜漸通何日釣
清流

甲戌冬暖嘆

冬節如陽節寒宜暖不宜霧興原野蔽泥滑步趨
危岸柳金枝嫩庭梅玉葉垂天時何反易深為
聖朝疑

達 行在丁卯

生世何屯否類幸矣亂離衣沾錦江露迹陷角津
泥 主聖宜無此臣良也未知何人又解事唱議
講和為

聞和議幾成丁卯

虜騎踰閩國皇輿困露泥慵眠多射手緩步盡砲

兒天整何湏守勤王不必追惟當早歸去促織滿
機絲

聞引見姜弘立等丁卯

降賊宜明戮楓宸接引早甘言詎堪信大義已先
遺河上王師老幾中虜騎馳朝廷倖無事喜色溢
覆眉

偶吟

憶曾壬辰年鑿輅亦蒼黃臣有秦庭哭君能越膽
嘗天師終掃蕩神咒快重光今日朝廷上何人辨

得強

獨坐偶吟

客裡愁難逐，閑中睡易侵。朝廷無書語，邊塞有音。音波向花枝，濺詩目。葛節吟故園，春已晚。夜中尋

聞胡羞以荏弱事來

主有蒙塵辱，臣無效死人。要盟愧牛耳，腥臭襲楓痕。海國多愁鬢，京都溢惡氛。滿朝多肉食，濟時老

三月三日左相吳允謙等與胡差啣血同盟。黑牛魚白馬腥血滿盤，殷相國無脾病。謀臣有喜顏，侏儒談禮式。犬羊雜衣冠，東海非難蹈。朝門望眼寒。

呈劄日夜坐偶吟

蕭、秋兩裡脉、客愁新。白首非干祿，青山不負人。寧嫌沾鯁直，只欲補。楓宸夢入龍丘下，魂飛嶧澗濱。

思歸

首夏辭家日東城作客時炎威長抱暵身病懶尋
醫彈擊嚴臺議鑄刑罔聖慈秋風嶧溪上蘊菜改
鮮肥

乙亥端午日受內賜扇四柄

寶扇從天降恩光特地清開封御香濕入手午涼
生政畏彈文峻猶紆近侍名願言分此惠遍及汗
鋤氓

山城

生世多崎險三旬月暈中一身無足惜千乘奈云

窮外絕勤玉卽朝多賣國兒老臣何所事腰下佩
霜鋒

某里卜居戊寅春

經營強二載杖屨始今朝草對呈新態雲霞似舊
要嚴肥饑可療泉冽渴堪澆七十年前事追思愧
意饒

贈別沈太守長世戊寅

六載權瓜熟遷鳥向玉京陰陽相濟政冰蘄永留
聲身病偏傷別時危更愴情聊將五雲液洒寄使

君行

七言律詩

夜吟次古詩韻

圭竇中宵夢帝城覺來心事苦難平
排窓直射蒼松影繞枕寒鴉碧澗祥
雄劍尚馳千里志危時追說十年情
幽懷不禁孤吟久雪裡山川不月明

夜坐偶吟

萃茲中夜月窺檻坐擁寒衾影伴形
四十年來成底事三千里外但孤征
雲遮鄉路魂頻斷雪塞關

河夢亦驚不怨疎狂投遠裔難堪鎖鑰付書生

踰磨天嶺

盤回危棧可磨天雪擁冰綢馬易顛
行色不殊潮路險直名還愧古人賢
南鄉杏之遮千岳北闕迢之隔萬川
長角一聲掀絕頂眼前滄海豁雲烟
掌樂院入直偶吟

高省寥々伴短檠客中心事轉難平
雪山承譴綠臣罪雲閣圓形荷聖明
榮辱從來風過耳昇沉元自水無情
白頭典樂非吾樂夢裡頻尋谷口耕

次巡相韻呈兵相

海外雄城枕海傍將軍來鎮陣堂
綬橫權略驚神鬼開闔仁威誓大年
新樓只緣堅北鑰危欄端為望
西方輒生幸忝河陽幕時把深杯
近宋光

聞鴈

鴈陣驚寒趁曉飛
數聲嘹亮客沾衣
渠隨陽氣南湘去
我溯陰風北塞歸
禽鳥亦知來往節
吾人獨昧止行機
登樓欲寄思鄉帛
回首峰頭影已微

念七留海倉送別故鄉親故 甲寅七月

遭遇明時負譴頻
茫茫滄海一窮鱗
蒼皇去國丹心苦
惆悵懷親白髮新
今日旅亭深夜話
明朝危楫獨征人
連鑣遠訪誠多感
爭奈臨歧淚滿巾

八月初二日贈別功遠第

一杯相屬意如何
瞥眼東南萬里餘
碧海茫茫帆去遠
青山杳杳馬行徐
鴈行中斷寒群苦
鷓鴣影將孤
晚渚虛有淚
不揮臨別處
棹歌催發兩踈踈

三日還留海倉

海曲孤城幾日留
網羅餘命又逢秋
雨師興雨迷

征路風伯驅風逆去舟臣罪自知膏鈇鉞 聖恩
猶許住瀛洲寒潮晚急鷁波蕩都把行裝付倚樓

贈尹而受名應錫夫人第也

津亭絕日抱離愁明月滄波又共舟問舍未成新
卜約弄輝辜負舊潭秋獨携忠信窮滇去猶望切
名壯歲收歸語妻孥真相念瀛洲雖遠亦王區

贈宋聖求

南北飄零笑此身蒼茫天地一窮鱗鯨濤起慶魂
將斷瘴雨來時鬢欲銀千里萍蓬誠是幸百年良

會是非真明朝又向魑鄉去却望瀛洲淚滿巾

寄贈葛川洞

此去故鄉二千里夢中無日不追遊文圍戰罷知
誰捷渭畝農休喜有秋亭上想多佳節會尊前能
憶楚鄉囚松溪尚滯誅茅計狼狽如今更孰尤

寄贈愁送洞

臺上風光屬暮秋諸君佳况好持一不勞中眉目森
猶舊覺後形骸尚在囚瀛海微茫帆影遠楚天空
濶鴈聲流二千里外思鄉客到此如何不白頭

寄贈西末洞

急流當日退何遲
遽瑗方知四十非
補袞未能酬聖眷
著斑無路報春輝
家群已共身名墜
門祚將回淺
薄微遙想鶴潭秋
欲晚霜楓應照日
苔磯

次贈郭景敏

只愁吾身不怨天
追憶中夜意茫然
磨礱萬仞孤登日
窮海千尋獨泛年
反服未成丘壑志
舉蹤還墜陷坑邊
故山秋色今應老
暮鶴最遠向我憐

雨中

瘴雨霏微洒竹簷
南荒九月尚多炎
亂鴉啼暮歸陰洞
輕靄和烟入小簾
萬里飄飄隨落葉
一年憔悴撚霜髯
窮漠元與沅湘接
從古騷人淚自沾

藥材海物封寄朝天館金吾郎之行

偶逢歸鴈寄家書
千里離懷可一摠
包積靈材甘與苦
盈箱海味菜無魚
誠微詎擬酬慈哺
信到應須慰暮閭
送罷征人還自悵
誰教作孽島中居

聽松堂寄題

性愛寒姿老更深
為開精舍貯清陰
一生貞直頗

相似半世娑娑自在吟殘夜酒醒聲動月虛窓睡
罷爽盈襟不緣癯鶴堂中坐何處松林無此音

章州青桐

喜逢知己拂長條，上歌音不是秋天未定時。罹
暫厄根還生處，聳層霄材堪琴瑟。登朝廟聲合簫
韶，爲舜堯倚伏。難更詰不須憔悴嘆浮漂。

夜坐次韻

大海之中一草堂，寒雲殘日漸荒。冬宵苦永添
愁起曉角頻傳喚夢忙。鶴怨猿嗔羞舊約，蘭蕙荷

敗挹餘香倚閭。今夜思遊子，寒月分明照鬢蒼。

聞鷄起坐

鷄未鳴時已罷眠，鷄鳴起坐意茫然。是非得失千
年事，否泰盈虛萬古天。夜氣清明須戒畫，心源澄
澈也如淵。若除千里思親淚，無慮還同太古先。

記夢

春宮有事廟庭中，執笏戴冠贊禮容。拜揖降登森
有節，周旋進退肅兼雍。門分出入目人論，路異東
西責掃同。夢裡亦叨非分地，覺來悲淚滿霍瞳。

述懷次洪裕孫韻

郎中枉擬廁清禁依仰餘光日月臨遇事周章非
我志責難狂直是吾心時庸可作朝陽瑞道屈還
為梁父吟控此寥々虛負了漢挈窮海碧波深

病中苦吟

萬死殘骸百病攻中虛外感日枯容有如弱宋金
元侮還似孤劉吳魏衝冷汗常流肌走蟻餘風未
殄耳喧蜂韓湘未遇身千里吾骨誰收瘴海墉
至月初吉主倅借送問安人於親庭

遶頭憐我思親苦裝送雙倅走故鄉累日裁書々
未盡臨行寄語々如狂計程何日門間到聞信還
增母子傷有德能施無報地使君恩意更難忘
為鴈解嘲

帛書故事亦曾知必待蘇公苦節持北塞譴遷回
自作南邊幽繫是誰為吾禽且有舍蘆智君子何
迷舉色時明月滄洲思侶叫數群非向慘人悲
曉坐誦書

曉鷄群裡夢初回起坐五更愁未開默念古書成

一誦靜觀物理究三才卷中至樂人誰識世上浮
榮心已灰一氣清明無外累西窓桂影照襟來

夢覺後揮淚而題

失怙今將二十年荒隳忠孝膏青蘊在家在國無
觀行為子為臣有負愆應怒訓辭懷裡失故施嚴
楚夢中傳覺來驚汗兼悲淚此後懲前可忽旃

無燈早卧

愁人元自知長夜况是無燈獨守玄殘臘天寒螢
未拾孤柶隣遠壁難穿枕頭淚濕悲身世暗裡吟

成感歲年安得睡魔容易到暫為蝴蝶故山翩

鄭太守所持酒來見

使君風格有家風妙藝穿楊自視雄雲滂未忘臨
陣孝奮拳常許死綏忠南荒臆近梅將吐北海尊
高酒不空嫌我獨醒頻勸醉暫時教解澤邊容

次唐人寓懷韻

誰教荷佩落紅塵曾是尋猿伴鶴身長白昔嘗胡
地苦瀛洲今作楚囚人窮鄉春信梅香動故國韶
光柳意句枕上忽成千里夢之中歸去奈非真

次王靈溪韻

位下言高勢莫支，飄飄蹤迹寄三危。前脩風節何堪望，寸腹瑯玕只自竒。楚澤屢逢漁父問，新州未遇故人知。皇天倘許生還我，猶向明堂擬把持。

八月初三日

魚鴈無緣報北堂，海山千里路茫茫。園中歲月秋將半，閭外朝昏淚幾行。逐日容顏應減渥，多時菽水未充腸。一生忠孝俱虧欠，俯仰乾坤慨嘆長。

偶吟

孤島浮空百粵連，穴生三姓在何年。夷函乍泛初成配，羅運方言始款邊。百里民風環自別，千秋遺跡問無緣。炎蒸最是山南角，端合狂生畫地遷。

次聖求韻

自笑平生志氣饒，不料今日此蕭條。時看故劍光侵匣，猶對前經坐待朝。擬報恩波嗟已老，欲收狂態未全銷。嗚呼半夜款寒枕，戔角聲中倍寂寥。

贈謫僧

出家何事亦遷流，自說經今已五秋。香岳瀛峰俱

異境閑居謫處總清遊
雪封洞戶塵蹤絕雲鎖禪
門暮磬幽莫恠南冠拘繫苦
只緣天械未曾休

別詩兒後書贈二首

別後寒云坐數莫汝行何日
遠家庭三年旂裡孤
囚影萬頃舟中獨去形
母子弟兄星各散豎譽非
是夢還醒高堂忠養如無倦
瘴海殘魂死亦寧
鴉啼大吹暮城隙徒倚籬欄
不自由送別何如留
別苦征人還似繫人愁
湖津雨歇晚潮急嶺路春
殘芳草稠歸去弟兄迎
問日莫言憔悴雪盈頭

薄暮

東籬梅竹解怡顏
負手徘徊太似閑
落照漏雲紅射堞
暮烟含雨翠籠山
時聞郭外回潮急
謾數林山倦鳥還
惆悵無人問
枯槁小扉雖設任常閑

初秋夜吟

八夜偏知秋氣生
草間蟲語轉輕清
新霜已染潘郎鬢
舊恨增傷宋玉情
千里歸心看月已
五更殘夢待雞聲
炎涼節候侑環至
人事何須嘆否亨

八月初三日有感而吟

是日乃姜夫人晬辰也

海上三逢碧樹秋又丁今日恨悠悠
堂前未辦班衣戲席上誰陳壽爵籌
自墜先人貽燕業只增慈母倚閭愁
劬勞生育三兒了惟有衰兄膝下留

秋夕夜吟

夢罷窓開月滿庭竹枝篩影響音玲
籬邊虫語知何意樹上鷄聲自不停
千里松楸驚節序三年霜露感芬馨
佳辰此日增悲咽一夜秋霜鬢上零

九日有感

海上三逢菊有芳流光如水鬢如霜
東城衰草望

音歇西日殘雲鴈影忙
覓酒正要忘老至吟詩非
為愛辰良遙思家後高峯上
伯仲年々共醉翔

雨中謾成丁巳

茅簷雨滴漸冷々瘴氣乘風滿海城
萬事美來孤笑發衆唇誼處寸心明
早將生死歸宵昊肯把榮枯惱性情
看盡暮雲爭北向明朝分散又何榮

三月十三日見詩兒書方待風於排津而未
遇八來船喜慮交深因題寓懷

小封飛落梅籬邊始識吾兒任海壖
上報慈顏安

寢食仍知家累亦完全
開書只覺露裏淨利涉何
時遇快船日暮柴扉頻倚望
夜深連月獨無眠

偶吟

誰信荆蠻鉅海猶存文物
太平娑烽臺草長知
無警村舍烟生認不飢
溪柳野花爭麗日田公
龍戶對厓肩曾聞南極星
臨近何幸孤囚遇福基

悼郭監司再祐

天降當年首義師能令東土免侏儒
論功不在分茅後辟穀非因慕誕為
一劄告君昭國是片言警鳥

世振民彝如今無復長城在
識者空吟珍萃詩

新春雨中

寒雨濛濛小庭叢筍葉密最多
群炊烟欲起低無力
戍角將吹濕不鳴
眈色依々歸老樹潮聲隱
隱近孤城百憂來集搔頭裡
絕域新春萬里情

次聖求韻

夢入桐溪數架茅獨留明月掛松梢
袞後東豎勞清叫夜鵲驚
枝失舊巢齊郭籬高天易暄
終朝門掩客稀敲巨鯨
橫海多風浪看鈞時拂古鞘

懷翼承 吳長

金陵館裡相逢日君自西來我向秦欲吐中腸憂
玉石強辭同枕設畦畛一章微意君能解四字忠
言我獨珍從此便成生死別當年胸蓄向誰陳

夜坐遣懷

炎天高淨似秋天河漢無雲扇月妍脫幘寒侵叢
竹露吟詩清入老松烟三更歸夢殘潮裡千里鄉
愁暮角邊母德君恩俱未報只從南極祝長年
謾成

朝來詠罷莫疑行好惡人間不欲爭妄意長纓飛
不苟那知短喙禍攸嬰松溪風月知誰管桐舍階
壇已報傾二十四篇諸葛集越應三復貴和名

獨坐

異域光陰秋復春衰年疾病費吟呻居隣魑魅人
誰過志在君親髮欲新夜燭暗明羞晚學馬蹄霜
靈草全身空齋寔落惟畫案上猶無老與荀

謝聖水送秋露

湖海蒼茫一葉飄平生志氣已全凋長卿病渴喉

將裂子美沈年肺欲焦多謝故人情繾綣遠分芝
露尉蕭條居然手脚輕如旋不向神山索藥苗

錄病寄聖求

非緣謀士憤成憂髮角疽生擁右喉項直直如董
強項頭頑還似魯魚頭扶持豈是神明力痊歇端
由藥餌優今日始開南戶出四松依舊帶寒幽

十月三日夜坐偶吟

風雨淒淒雞不鳴傍人鼾睡獨惻惻君臣遠隔三
千里母子相思八九岭罪重豈堪望再起恩深猶

荷軫微誠年來欲死斷還否會待堂前班戲成

追悼李有之

孤旌萬里赴龍庭鉄騎千群截漢兵殺賊縱非金
將匹投降肯作李陵生魂飛塞月愁雲黑骨委塲
沙惡草青却恨朝家久褒典強憑詩句寄高名

病脚

曾將此脚走紛々爰水佳山遍屐痕猿岳錦鞋紅
曠機鶴沙苔長綠侵跟自從幽繫全無力况復衰
頽已弱筋咫尺階庭猶待杖邯鄲失步是吾云

重陽前數日擬送訓兒社姪上漢拏山故有
此作以故不果上

節近重陽秋色闌送渠携履上仙山海波遙接華
夷界峰頂應連雲漢間羨有飛登行自健恨余幽
執腋難翰山中靈藥復多採欲割慈顏却老丹

憶舊遊白蓮社

萬疊山中佛殿巍少年携笈久栖遲仙蔬香味唇
邊在清曉鐘聲夢裡疑自恨道根培不厚至今身
枯解無期羈魂日夜空來徃洞壑雲深石徑微

次安知堂韻

不恨吾生命數奇只愁今世斷心知危城已賦長
沙鵲島孤吟林之澤解生死念閑均有淚西南路
絕費相思瓊琚詠罷荒城暮海月分明兩地垂

贈別濟州牧使成安義

大靜東門有樊廬十年曾是逐臣居青松四箇應
盈尺脩竹千竿想蔽除世事浮沉俱是夢人間榮
辱本來塵瀛洲一曲留珠域試命歌兒唱酒餘
議藥願直宿夜中偶吟呈汝院同僚

空疎又是朽妻身千載叨逢此一展術昧軒岐何
藥議心團營沈愧言陳頻年來往勞郵傳半世浮
沉剩名唇歸去碧山應不負不須論價費金銀

直中

禁漏疑寒報曉遲殘燈照壁照容衰流光如水將
垂盡遊子經時久未歸玉色形憂難請去春輝向
暮奈相思一生忠孝徘徊處遠坡方知五十非

聞西警發向玉京丁卯

前秋家食又今春甸變倉黃起病身向北促鞭緣

聖主望南揮淚為慈親衝風冒雪顏如土憂亂傷
時髮欲銀朝暮僕夫頻愠見此行何似仲尼陳

雨中有懷

宋史曾看賣國人不圖今日姓皆秦朝廷自謂奇
謀足司直空勞短劄陳風雨小庭搔客髮夢魂中
夜繞萱春可憐杜甫誠愚矣稷契初年誤許身

有懷

深悔當年誤出身榮枯半世髮如銀南荒幾載居
坑塹北關初來剩舌唇夢斷東華纔返服塵生西

鄙又從君至尊蒙辱終無死何面鄉間對蒼親

聞胡差劉海等要削天啓年號

吾東奉朔幾千岭削去皇元不忍聆廟堂政應後
義介微臣猶恐賚和成王師退步渾忘戰猛將臨
危最欲生畢竟中興誰可辦箕封不作左社氓

次鄭掌令凝遠韻

自慚才學尚迷方叨竊虛名誤聖王人道踈狂難
合世古稱貞吉在倉章蕭條草樹愁多夢寔落郊
墟酒少嘗濡滯此行君莫恠五雲回首未堪忘

思歸吟

乾坤和煦政休々春感如何太似秋祇是鄉山長
入夢從來宦海少安流風吹鴈陣爭南翥鷹浦荷
衣苦北留何日聖恩優許老數椽茅屋在龍丘

夜坐無眠成賈

向晦端宜憊息時如何不寐苦吟詩東窓待月々
遲吐北牖防風々徹肌時事欲忘猶洒淚主憂非
職且擯肩夜深推枕無人語童子居傍睡不知

挽李蒼石

愚老昔歸仙蒼翁今入泉人巨何至此世道最堪
憐國失文章伯朝無賴直賢孤蹤捨佩玦誰與共
聯翩

挽尹幼一知敬

落之奇男子磊斗膽身臨危仗義日揮淚後戎
辰熟醉緣憂世清狂為晦跡可憐天柱折邦國瘁
無人

挽姜金鳳覽

同病洛陽裡先歸湖路春何言去留別便作死生

人玉碎鏗猶鄉音蘭摧馥自真應知寸心炳不向夜
臺堙

挽文必陽

趨庭聞禮學襲訓繼家聲侃々容儀謹温々器宇
成將期蘭發馥詎意玉埋晶可惜爐川上詩書擲
地傾

挽李承旨景義

五峯賢相姪承旨白面郎厚睦仍家法端良襲世
光善門宜有慶仕壽竟慳長何處新阡路明珠萬

古藏

挽李承旨君顯身英

識面從青歲同朝到老蒼銀臺司獻替薇院振風
霜詼語驚群膽狂言觸怒銜晚尋鳩鷲約閑占水
雲座天下兵猶滿東丘勢轉忙愧余偷喘久羨子
入眠長何處新阡卜堪呼寶璧藏無緣馳白馬臨
死恐彷徨

挽李月沙

釣府無人下詔催邦家隆棟忽去摧淒涼鼎席顏

猶土憔悴儒林氣欲灰龍宮自今考蒲蔽螭碑誰
復賁泉臺顛蒙亦失先光閔淚洒哀詞不忍裁

挽朴江陵明樽汝果

出象聰明孰與爭弱冠攀桂振英祥屢經雄鎮留
治蹟再入銀臺觀日晶晚節垂池何足意少年磨
戩不忘情欲知恩眷無生死一札哀綸字之榮

挽李巡陵好閔

奎壁疑精降世祥青丘草木被昭光棋檮閣上儀
形嚴鷲班中姓字香蒲散清文雖暫試經綸洪

業未全揚梧陰鳳去嶧雲冷朝野同吟珍瘁章

挽柳汝見仲龍

早歲才聲振嶠隅晚來高步接天衢詞華雷春
雲艷氣貌休之老鶴墮玉署紫微班暫綴蒼顏白
髮迹終孤棲成上界催承詔寶唾人間獨不枯

挽李茂伯潤雨

恭而有立剛而雅吾友真為君子人同作逐臣閔
寒雪共登清路洛陽春將期才業明時展誰謂功
名半世屯惟是銅碑三尺在鏡民千古說遺仁

挽趙正

公亦商山才府一剛腸貞操世無知官卑自有歸
譏地天定終符錫福期潤博年高猶勁悍希元孫
象儘英奇邇來儒老連乘化襄蕙如何不歎之

挽鄭監司

石昌

四世連旌百行源聰明濡滌襲清芬才名早擅騷
壇步華藻常專藝此尊鵬路風生方振翼玉樓探
筆忽催文重泉两眼應難瞑椿老高堂帶靈痕

西平府院君遷葬挽

威容德宇間生雄，廊廟之姿大將風。濁世久為流
徙客，清時還作舅勳翁。經綸未展平生志，標棟先
摧大過隆。龜食新崗遺宅兆，恨難牽紲攀吾公。

挽崔興海始量

追思赤馬蓮池會，二百人中最少年。詩禮趨逢真
寶樹，清忠仍世是青氈。官卑自有歸譏地，壽盡如
何不怨天。惆悵利陽春草綠，明珠藏處賁山川。

挽 大行王妃

天妹初年在法門，好逑爰復配真人。郎宮幾替潛

藏德，坤位仍禪化育仁。華祝永期三歲慶，盃盆何
意一朝塵。欲知周妣幽貞美，聖筆昭回可質神。

悼商以異

嗚呼將軍負氣雄，幾年閑塞日兵戎。誓心鼓峴扶
傾社，奮義安城挫虜鋒。接絕雖無即異捷，死榮終
樹睢陽風。應和當日投身火，轉作西天截雨虹。

五言排律附古詩

白髮

人皆羞白髮，我獨愛無私。裏境理宜有，少年能幾

時奮慙多弱壯新得在衰遲皎潔秋霜色清高老
鶴姿臨杯疑散練八鏡樣垂絲自是相隨物何復
鑷去為

公州追述

翠蓋蒙塵日元兇就馘年南翁瞻日角北極拱星
纏錦水波濤靜秦山警鞞旋烟花迎彩仗如吹疊
旌旃扈聖勞何補趁連樂有金風重扣柁波蕩
白鷗邊

次杜詩遣興韻

詞謨雙好兒不見幾多時稟質非云魯趨連未學
詩愚蒙誰與擊寒餓愧余慈論學知行備者書還
大期半容隨日長衰髮逐年悲倘有重回日鹿門
携敢攀

次杜詩傷秋韻

悲哉秋氣晚杳爾故山微天地空搔首乾坤獨掩
扉涼風吹鬢髮斜日照籬圍湛樂思前好玉爛憶
奮衣北辰擡眼遠南鴈繫書稀最羨孤城暮林鴉
逐隊歸

過金幼玉飲酒歌

吾愛幼玉風流不俗子得酒招我來前山風雲
裡我亦竹林一荷鍾曾樂日一杯復一杯大醉狂
歌曰人生不飲何百年駒隙過賢愚一丘土飲者
留名多所以酷愛酒杯行不停手歸來卧空堂松
月侵東牖

曰德源伴戲言感而有題

德源有醉客呼我唐介氏子方如有神應知羞我
比我亦不願為君請姑舍是許身在稷契都俞輔

姚姒庶使風俗淳復見熙皞理一言便見亦非我
平生志感嘆愧古人獨立風霜裡

登侍中臺

道傍有高臺臺名稱侍中聞說尹文肅拓地平山
戎想應奏凱還過此開天慳英雄得勝地千古留
人觀碧海波萬里青天混一色汪洋宇宙寬吐納
乾坤容日月浴臺前烟雲生砌下壯觀天下無奇
陽此其亞危逕通一線青松森萬章奇勝十分添
化玉雕成良遠客暫投鞭暇日聊徘徊適值天氣

清海道無纖埃白鷗浮泛之孤帆去茫茫余生畎
澮間未曾觀滄溟幸承恩謹命獲此天遊成快瀾
敢平生浩蕩開心胃君恩到處深直與茲海通
翻思古人烈颯之來雄風迂儒昧兵法禦戎無策
寄惟思盡心誓不傷明主知白日向西流無端起
遠思信義非吾土玉程且有期哀猿叫東檻夜
鶻驚栖枝飄飄無住著天地空搔頭僕夫又催行
秦關水雲稠

踰磨雲嶺

人謂磨雲高我謂磨雲卑磨雲高萬丈我何獨卑
之若使真磨雲可以望南鄉南鄉白雲孤遊子登
高望望之不得見磨雲是丘陵磨雲如可高我當
荷篋登

四日先君初度日有感

聖恩及重泉追贈後班榮擬當初度日敬薦蘋藻
誠如何不肖子妄言干天達縲紲在囹圄死生誰
重輕下以負吾親上以欺聖明嗟唏仰天嘆志
氣空崢嶸

贈別昌後姪

汝兄泉下久我夢頻來尋方在患難日面目猶森
森精靈想不昧到處隨吾身覺來却不見有淚徒
沾巾今日見汝來不啻如元賓孤帆碧海闊去留
兩茫茫死別已吞聲生別復斷腸臨分贈何言孝
友吾家風母若乃以事勉循先君蹤晨昏無曠禮
菽水貴盡誠雖有兄弟在汝與詩當行人生到此
頭欲言還如癡秋風吹嫋嫋何處獨歸遲

客有勸我作架覆菊謝以詩

我有離憂菊貞盟海外結朝夕儼相對可愛不可
衰風聞晚香遠月照寒色烈于時露為霜乾坤氣
凜冽客來看金英惜其易摧折勸我作橫架茅以
蔽風雪留得繁姿庶可慰疲菴聞言忽唏噓所
懷與爾別凡物有定分榮衰流運迭殞霜物不死
古人指為孽况茲秋開花入冬尚明潔天霜威可
畏豈堪之抗截蔭之暫偷榮必非渠所悅當者不
落心枝葉何之屑豈無一信行課役在瞬瞥恐
作我友羞將為斷還撒揮謝客言歸撥英心極

憫我非愛爾花我實愛爾節惜花懼壞節任爾
保天拙盛衰歸造化心期兩無缺明春有雨露
生意更抽孽直待秋風高舊色應不泯故我愛
以德不為苟且設但摘未衰藥泛我濁醪啜

見新月

如扇漸如鏡三五方就盈盈而虧必至虧則及還
生天道且如此人情尤可明莫羨彼之盈莫嘆此
或虧嘗聞天與鬼乃惡者常害之見月及吾人一理
君其知

見子

今夕是何夕父子同一床重溟幸利涉好音聞北
堂鴿原消息真親舊翰扎長悲喜交填膺涕淚動
盈眶汝來不失孝我獨作何殃夜闌語未盡村雞
催曉忙

贈別昌詩還鄉 六月二十一發行

嗟吾父與子何若至於斯四年再來見暫逢長別
離人生非木石到此將何其乃翁性純愚遇事不
守雌北塞昔風霜南溟今縵徽有母年八旬無白

報春輝妻兒不相保弟兄各分飛望雲幾處襟見
月空費思不孝與不慈而我身無之一死誠未難
隱忍吾不知賴汝盡職分使我免寒飢頃汝入海
日舟楫幾顛危皇天鑑誠孝風伯還扶持窮荒重
會合天也非人為毒霧炊骨髓炎風鑠膚肌揮汗
取藥夕冒夜問寢時我疾非無安有喜汝所為豈
不欲久留所重不在茲先人改襲禮慈母忠養資
都付汝一身所以揮汝歸曉月掛柴扉相看沒一
辭風雲日星變草木禽虫悲縱然是窮途別懷異

黃持身貴篤敬發言戒誕文近色易伐性嗜酒多
失儀到處念吾言毋為人笑譏重洋利過涉炎程
慎驅馳所祝不過此潛心向神祇古蹟雲尚濕荒
城草易衰苦吟辭不屬題罷淚先垂

謾書

太極淵奧昔東西親切銘程門箴四勿真氏讀心
經蘭溪論心語晦翁主敬篇况此九像贊分明對
諸賢靈均皎潔詞孔明忠貞表行年自知非莊誦
每清曉除却疾病外唔咿常不休只要無大過安

敢企前修

閑口雜詠

養梅見冷蕊養松聞風聲養竹蔭清陰養菊餐落
英問之何能養莫若剪榛荆養心何異此先除私
欲萌除欲豈復爾妙法在惺惺

三月十二夜白虹貫月

李白昔傳孟問月何時來我今異乎是昨夜何逢
灾冷氣貫陰精厥咎安在哉問之月不應我心益
悲哀雖然及其更光明依舊開我願聖主心警慎

無疑猜此時益修政灾轉為祥媒小臣亦有為撰
頌歌崔嵬

七言古詩

次塞下曲韻

料誰家兒雕弓左手白羽右夜渡冰河人不知
鐵騎奔颶塵欲沒金笳拂曉歌兼發遙知思婦不
能眠獨把寒衣擣明月

有感

舍兄初度在今日祝壽恨未同傾觴遙知兄弟會

各處說著遠人推心腸堂前紫荊一枝瘁雲外鴈
序中斷行我兄我弟在毋備我獨胡為天一方

高原郡偶吟

行行重行行去家數千里去去又去去此行何時已
行、白雲遠去、鵲原寒山有蔽川有魚採釣可以
養慈顏居必隨動必偕遊戲亦是敦友于何為誤出
世網裡去、行、長在途他日倘蒙生還思考繁永

卜烟霞隅

東海吟

東海何如宦海危風波翻覆相近之東海罕聞敗
舟楫宦海曰、浮人願若將兩海較險安東海
不如宦海難所以我後宦海來欲浮東海觀洪瀾

效韓文公忽忽吟

忽、乎余不知吾心之悲芳恍醉生而夢死安得
從仙學術縮地數千里居然導我拜慈顏供甘旨
毀譽榮辱都兩忘雲耕月釣饒生理

菊盆為隣火所破嘆

太守憐我意蕭索把贈數尺盆中菊密葉離披
受清露細莖軟脆依孤竹已過重陽不肯開直待
天霜始發覆置之中庭影成雙粲寒姿常在目
隣家夜半忽失火緣椽棘將及屋蒼皇拂衣避
一隅欲出其如圍以木自分將身付灰燼違念移
盆避火燠邑吏吹角來相拯數十人亂奔踈須
更天風反火滅入死偷生曾未卜始起堆籬覓田
叢小盆破裂傾且伏嗟唏拂拭手提出冷菜踈枝

耆更蠹蠹土猶全根自若以繩約盆子不覆磨澤
三嗅暗相吊爾我生全誰所祝風撓雨洗轉鮮明
會見金英暎朝旭馮渠細推倚伏理昨日今朝禍
蕙福欲折霜枝敲北闕奈此羈蹤窮感寧將
交契指歲寒日夕摘餐充飢腹獨恨托根非處所
早晚相携入巖谷

次短詞韻

若有人兮豈蓬蒿橫一笑兮天地中忘身與世兮
漫浪遊玄圃丹丘兮往來通鳴璫瑤兮振荷衣指

上界方玄余馳披五雲方謁玉皇墜九契方佇立
以悲真訣難傳方骨未換群仙拍手方向我笑
聞北塞方有古臺思元帥方遠于吊瞻神山方
海中央欲尋喬松方積水誰之乘仙槎方入南
斗黃葉脫方白雲零歲已徂方丹竈不効髮長
蒼之方一老夫余壯志方不得售人間何世方
空長吁日暮方倚荆扉望白雲方眼欲枯雲飛白
白方何處是方丈之外金猿之下路阻且紆

偶吟

曾聞三十六洞天復說八十一福地合為一百一
十七豈無片隙可投趾羣仙聞之拍手笑之其志
大而計疎再拜扣頭請其說不答但贈飛霞裾

桐溪先生集卷之一

